

鎮海縣志

四～六

新修鎮海縣志

知縣事四川周雲章題

鎮海縣志卷四

城池

鎮海爲全浙屏障重門禦暴先務是亟歷世增修
益見完固爰識城池制度垂示久遠若各所舊城
或存或否亦備載之以俟修復至鄉里都曷街巷
坊表市鎮橋梁津渡郵站以次附錄庶境內形勢
了然在目矣

薄海爲城東連招寶山出浹口南環以江北負巨海西通
於鄞距郡東六十二里高二丈四尺址廣一丈面八尺周
圍一千二百八十八丈延袤九里闢爲五門東曰鎮遠南
曰南薰更南曰清川西曰武甯次西曰向辰

案陳志稟指
揮張浩所題

門各有樓新設望海樓於北俱有釣橋羅以月城城之上

有敵樓十

案陳志橐今二十四

雉堞二千一百八十五警鋪三十九

案陳志橐

今十六

外爲濠自東抵西環九百六十六丈北際海不

設

嘉靖府志

初城築於錢鏐

案寶慶志縣城周環四百五十丈濠三百餘丈世傳錢氏開邑時置

志云後梁錢鏐置靜安迎恩航濟三門考寶慶志靜安迎恩並列於公宇不列城郭下注云靜安門在縣前迎恩門嘉定八年主簿戴栩權縣立則非錢氏時明矣航濟門見延祐志寶慶志縣治圖中獨無是門則寶慶以後增立又明矣想錢氏置城時雖有門名宋志失

傳而成化志誤以三門實之今刪去 歷元而隳明洪武

元年千戶王及賢始立木柵七年守禦千戶端聚易以石

二十年信國公湯和建衛拓而大之週九里有奇闢門爲

六各建以樓上加雉堞警鋪外羅以月城惟小南門無月

城二十九年指揮劉澄增置永樂十三年都指揮余成以

北抵海塞北門

嘉靖府志

舊穴水門於城西今改置於小南門

之右

嘉靖志南水門穴

案乾隆志謂於洪武時

十六年指揮谷祥塞小南門

已而復啟

嘉靖府志

增置堞樓七窩鋪四十

唐令志

嘉靖十二年

指揮劉翽加增雉堞三尺

嘉靖府志

三十三年知縣宋繼祖就

城之北面增建望海樓

曹府志

隆慶三年秋霍雨颶風大作

海嘯水薄城衝沒廬舍巡撫谷中虛築外塘以護城垣

唐令

志

楊益美記

大中丞今陞少司馬近滄谷公督撫全浙

經文緯武博采羣策攘夷弭盜百度惟貞於是吏畏民

慄將卒思奮鯨鯢竄伏郊壘謐如蓋矢心以酬殊遇而

先聲之代勇謀屹然東南長城矣己巳之秋天降割於

吾民霖潦既潰颶風騰沸圯廬沈稼歲事大祲非獨一

郡爾也災沴流行所在皆是總理河道撫臣建議謂當

城池

二

祀嶽瀆以祈效靈天子可其奏遣太常來祭海公與之
俱陟招寶之巔肅將明命時巡海憲副王公汝止水利
僉憲李公文續郡守王公原相都督同知劉公顯參將
梅公魁咸在列祭畢公回顧而問曰叢爾之城瞰江負
海勢甚逼人險固足恃患亦可虞古人卜築豈無遠慮
乎諸大夫未及對定海令馬君有騅跪而進曰城之北
地雖斥鹵去海之許十里而遙爲竈灘以煮鹽之故取
其土水久日削水復剝蝕遂抵城下每遇怒風激濤懼
爲沼焉此固可危且西有石隄入百餘丈創自典午宋
人嘗葺之邦邑奠安於斯爲賴今爲風湍衝嚙石無一
存無此隄則塘將決而爲海慈鄞奉三邑均受其患此
尤可危也公聞之卽躬閱其所惻然曰噫愚民見利而
忘害縣令憂深而言核吾將驅海氛以慰蒼生而顧使
之墊爲魚鼈其忍乎旣而登望海樓縱觀滄溟城之距
海僅十數武則又進馬君而謂之曰城之單薄防患貴
豫吾欲繚以崇垣爲外護不可不亟圖矣偕諸大夫共
權之僉以爲然乃謀所以佐其費者捐魚稅并藏餘若
干檄馬君董其役輦巨石鳩工修築之越三月皆就緒
隄因故地城則鼎新其長四千五百尺維石鄰脣齒相
攝狂瀾罔侵金湯愈固控扼咽喉之區而爲千百年計
保我黎民室家咸慶安堵無恐伊誰之力公實隆施矣
蓋惟公勵精海防不遺纖悉其大者選徒較技汰其老

弱補以衛卒期於省餉於凡戰艦烽埃靡不更置得宜
故駐節海上頗久民閒利病銳意興革而況海角孤城
屯戍有聚苟有他患則藩籬匪堅其何以震疊殊方而
鞏我堂奧也公斯舉真有大惠於吾郡矣馬君奉道府
命率吏民像而爲祠屬予記其事予聞之傳曰能捍大
患則祀之然天下之患每生於意料所不及近者易明
而遠者難睹外城之築蓋睹患於遠而豫防之衣衲致
戒曲突炳幾公之謂矣感其德者以爲一勞永逸世享
其利翼然庭宇儼爾冠裳庶幾報之垂之永久公非要
譽有司豈阿所好耶嗟乎此特其渺小者耳余蓋稔諸
公云公齊人才優方召道溯孔顏數歷著聲邊情洞悉
嘗條入事皆數千言盡經國訐謨老臣宿將稱爲碩畫
而節鉞所向荆湘巴蜀及茲浙直慨已見之施行今入
掌樞密坐而籌之以清疆圉之塵以紓宵旰之憂帝曰
汝勞歷有不績其圖之麟閣以昭寵榮視
海邑之廟貌是奚足爲公重哉是爲記

萬厯元年海道副使劉翹增築內城命通判祝完董其役
明年工竣長四百六丈三尺址廣一丈四尺面廣一丈高

二丈

唐令志豪

張時徹有記

見金石

三十七年知縣黎民表修城

增高二尺雍正府志薛三省有記見壇廟崇禎元年七月海颶大

作城堞樓櫓半圯知縣龔彝重修薛文介集

國朝順治十五年案謝泰宗記謂役始於己亥正月奉文

修城改併雉堞重造敵樓警鋪雍正府志案乾隆志舊

為八百八十重建敵樓十警鋪

三十九知縣朱承命董其成

謝泰宗記自海上蠢爾未熄舟師直抵京口江甯城

憂切剝膚矣四方驛騷天子震業己亥春正月悉令東

南郡邑城垣痹者高薄者厚縮者廣從事比軍紀焉往

例修城用軍七用民三民皆役於里惟茲役也專責之

居是城者自喪亂後市井湮墟鵲巢而鳩居荷戈者占

役自免其為百姓如晨星之麗天凡戶十為甲定甲計

二百八十或五六人為甲或三數為甲餘即繫籍營伍

或服役公門者耳而總計城之雉則四百一十有奇訟

聚不決哉余時先以二十五雉自命而家之弟若姪又

因其家次第予以三十三雉亦老馬為駒意乎派既定

即大書當築者姓名於睥睨各有勇士督之夫其人未

必勇也而操切之狀近之矣夫詎無舊雉之完好不煩

更築者乎蓋先二年張前川大帥捐金五百照往例堅
修之矣茲奉功令勿顧也故睥睨書名之日無不視垣
之苞固者先占惟恐在人後者誰知其盡平之以今爲
始哉是前歲一役今歲又一役力用而愈生挺植之破
礪者誰復哉其勞浮於後占者矣當監督之令旣下或
有食於其家者以爲可計日定耳然灰出於石而海王
嚴禁密厥之範璧者入在江以南百里外欲展其期不
可欲促於用又弗能蓋一倍之貨十倍之財矣監督者
曰此塊之火齊未熟陶旄之髻墜薛暴尺寸不及額灰
之雜沙礫入水弗膠者察之謫之不中員程也其更進
以成砌矣砥石有弗矢若蓋石有所縱舍小民亦樂一
也當是時向令監督者稍有蓋石有所縱舍小民亦樂
偷可勿論三尺所弗容其貽他日噬臍之悔庸有及乎
於是材具符式者始登於城工師中選者始收爲用其
初猶亞旅往繼則主伯盡往亞旅弗論孝廉下主伯弗
論鄉紳下卽婦人亦男子事矣昔叱干阿利爲赫連勃
勃築統萬蒸土成焉錐入二寸卽殺築者今璧中虛處
計磚長二尺廣尺有咫必令盡堵以灰一陣之灰必得
三千餘斤方可是一灰之值總計一萬一千金他何可
勝言者官生薛士琪大宗伯文介公嫡男也手提捍籠
箕纍以赴畚插乃苦灰之弗及於築以頭搶地監司李
使君前也先當事者以城工盡屬之城甲戶乃甲窮復

役於里豈謂事不可與大慮始哉由今觀之大誠不可
與慮始而勞於暫逸於永當事之禔休甯有已時役始
於正月告成於夏五月計凡賦終費一萬有四千緡皆
民之自出合五邑多寡計之約費緡錢十萬焉說者謂
以此造艤艘大艦可得二百隻可當水師勁旅一區借
乎以其費徒爲居守用誰知設險在千百禩而觀效卽
於目前哉頃之寇由定小浹港至鄞東鄉二百里掠焉
於定城卒無敢一矢以相加遺卽鐵室之備哉使堞陴
樓櫓不足爲中周虎落用先自開之釁矣匪茹者若曰
是其矯若虹梁蠹若雲根漆城蕩蕩不可以上者也人
始服當事者之先識爲有用其勞苦我者正所以生全
我也卽厚費庸計也以余聞聖人有金城比物此志也
豈堞陴樓櫓求堅緻哉卽江甯幾墜不墜城猶是城耳
惟顏真卿增陴浚隍於祿山未叛之先平原人不僅服
其先識矣故有真卿之事者必有真卿之志然後可以
稱守國捍敵之臣

康熙二十年颶風壞城樓三十六年知縣唐鴻舉設法修

葺後屢被颶風所壞雍正五年知縣田長文修築完固

雍正

府志乾隆十二年七月十四日颶風大作潮水沖決北城盡

圯巡撫方觀承親臨相度 奏議禦潮塘制修法給帑重

建乾隆

王夢弼記 聞之滄桑易變會其有適固不得與氣運
爭然因時審勢亦無安常襲故不盡人事補救之理昔
海甯潮警工役繁興幾三十年當勞勞版築殫思畢力
不敢諉為時會一旦沙塗復漲曩之洪濤巨浸今則徧
野桑麻是有前日之大創迺有今日之大利此余攝富
邑曾與斯役所習知者自青田江山量移至鎮而歲卽
罹潮患完然之北城一夜漂失以數百年捍禦之資歷
前賢之先後修築而獨失險於今日何滄桑變易之會
逢其適耶父老乃指相告城之北舊漲沙塗遠十餘里
稽之載籍隆慶時故有刮土鹽場又得康熙五十年碑
卷亦尚有牧灘爭墾是修建以來城賴漲沙外護雖遇
大潮到塗水淺勢弱而易以抵禦茲值沙塗洗盡常潮
水浸半塘遇巨颶加漲鼓盪澎湃薄城而上舊城以寬
不盈尺之石疊高二丈一經衝擊則土石相離隨波傾
圯且城腳浮砌塘面浪刷底土石縫縫疏掣出砌石又
皆空虛致潰之由及此不為改圖颶潮間作城社生靈
將焉用恃且城下之塘已議更新城塘相連而不並舉
工亦難施奉檄鄞令宗紹彝郡倅吳憲青會商禦潮修

法經分巡憲副汪公德馨侯公嗣達偕備兵憲副陳公
樹蕃周度鑒可請於大中丞方公觀承公意以塘制築
城事出創舉非情形目擊難以具題因於戊辰元日
冒雪行邊躬親相度睹城塘合一允以禦潮塘制改建
北城其制石砌加厚底寬六尺至頂三尺城分上中下
截下截先於塘後剏土深三尺八寸梅花釘椿簳以塊
石鋪蓋石板塘上用丁順小條石包鑲塊石高埒塘面以
固城基於城塘之間立砌護城龍骨石一道內外扣槽
聯合城塘以堵縫水後以砌鋪大石四層間砌丁順大
石六層夾成三倉爲中截計高六尺以抵潮浪自此以
上水勢已輕仍如舊之小條石增爲一丁一順包砌至
頂俾得掛入裏土以資牽制城面另築塊石仔城下鋪
散水石板上築雉堞厚至二尺五寸覆以石頂不虞震
撼各長四百一十二丈中建大礮臺一座分列小礮臺
一十二座皆從新建造其裏城之顏者敲者同修三百
三十七丈五尺下築護城土礮二百七十丈使表裏同
固惟城面新土易於受水未得添用幔石以避浸灌尚
覺缺然所餘東南西三面城身稍次險工議俟續脩余
適奉計薦於例當代恭捧一手底績之檄卒偕塘案任
事諸寮案加意經營於迎潮之石底增設鶯尾肩槽更於
轉角加以陰陽合樺裏城尚有毘連壞處四十四丈俱
一律並修期於一勞永逸是役也始於乾隆十五年四

月二十二日竣於十六年十二月十七日歷荷督撫大
憲喀公永公之巡閱雅公之報成司道府憲之先後教
率合計塘工閱周四載役夫千百寒暑不輟以蚊力負
茲重任夙夜祇懼而工無廢事役不告病得終免敗績
之患以迄於成非天幸無以致此夫痛定則益思痛憶
塘脚剝深二尺卽見流沙活水海濱浮土可爲寒心於
今底奠屹然控扼海門屏障東浙賴
國家景運靈長用保邊隅生聚沙塗旋復斥鹵爲田所
禱祀祈焉而桑土綢繆因時補救所云盡人
事以挽氣運端俟後之賢者爰述本末如此

道光十一年七月知縣郭渚章重修明年十一月工竣城

周一千四百十六丈雉堞九百零六堵

采訪冊

郭渚章記

鎮海縣故名定海自明湯信國公置衛展

拓舊城後圯而復修者屢矣

國朝康熙二十六年分寘定海縣於滬洲以舊治改今

名道光二年渚章奉檄來令茲邑上事後周視城垣見

隨在有弛落勢非急爲修築不足以稱巖邑巨防之制

而邑士民胡于錠等言城不修且墮壞今欲興茲重役

雖工鉅費繁而輿情允協則事固大而非艱渚章以其
言達於府申請行臺省大吏皆報諾渚章乃捐廉爲倡

而四境之內莫不響應勸趨於道光十一年七月十二日飭材鳩工其明年十一月十二日工竣城周一千四百丈有奇城以內南河五百六十五丈中河六百六十四丈北河七百十丈支河之以丈數者不勝計並濬滌焉其積材積工之費共縻白金一萬一千三百六十五兩有奇而董斯役者則國子監生袁國清之功爲多攷之於經春秋常事不書而城闢必書魯城邑必書合於議非譏當於時非譏誠重其事耳今者財不待追督而自輸工不假刻程而常勸足以見風俗之醕士民之尙義有素則自茲役之興也以迄於成固不可以無籍矣於是乎爲之記距城東三里許有山曰招寶雄峙海口浙東保障要區也明嘉靖中都督盧公與海道副使譚公協議建城其上以兵守之名曰威遠自國朝康熙四年加築以來歷今一百六十餘年未修則城堞之頽圯損裂已甚淳章復捐廉四百餘金飭修之經始於十二年十一月二十五日不數月而工告訖功以其事相類當得附記於此云

濠河 從巾子山下發源繞城址東西行至清川門外分流向西者一合夾江河一合中大河其北行則直抵後海

石塘而止

王令志彙

明萬曆二十八年知縣朱一鶚濬

國朝順治十五年奉總督李率泰檄濬河闊一丈五尺深

五尺康熙六年知縣王元士濬十年奉海道副使史光鑑

重濬乾隆十一年知縣王夢弼濬繞城濠河闊二丈深四

尺

乾隆志

道光十一年知縣郭淳章重濬明年十一月工竣

采訪

冊

威遠城

招寶山雄據海口與竹山對峙爲江海之咽喉

郡治之門戶誠保障要害處也明嘉靖三十九年都督盧

鏜與海道副使譚綸議以招寶俯瞰縣城相隔不數十武

賊一登據置火礮其上縣城可不攻而破卽倭船絡繹銜

尾入關我軍亦無以制之故守郡非劇險不可而劇險非

成城不可乃請於總制胡宗憲於招寶山之巔築建城堡

三閱月告竣城凡二百丈高二丈二尺厚一丈設雉堞東

西爲門二內建戍屋四十餘楹名威遠城復於山麓西南

展築靖海營堡周圍二百四十丈建屋四十餘楹以時教

閱於大小狹口分布戰艦以嚴扃鑰置鐵發貢五千觔者

四座銅發貢三百觔者百餘座諸戰守器械靡不畢具又

於山巔及竹山對建兩塔聳矗霄漢嘉靖府志天啟四年大風

雨城半圯知縣顧宗孟重修王令志薛三省有記見寺觀

國朝順治十五年奉總督李率泰檄修改雉堞一百四康

熙四年總鎮常進功增築唐令志

謝泰宗記余觀古名將未有不熟於形勢者也王公設險浚渠傅堞而守俾形有所扞勢有所禁而不虞是

防況茲候濤屹峙海口以咽喉兩浙爲全郡門戶哉往
者汪直引倭犯關深入由門戶之不愼咽喉之未守也
故山之有城以威遠著盧公譚公經其始劉公何公
覆石屋焉勿論增華踵事難其人卽距今百有餘歲石
剝雉摧誰爲政也
朝廷念狂寇匪茹疆圉告警特設水鎮統其師我常公
用滷洲之捷大欄山之蕩平閩安鎮之擒獲累功而膺
茲任其爲門戶咽喉計固不特一城之增崇加峻也卽
就定言定若靖波臺若閱武廳卽茲威遠猶緒餘及之也
觀而大功尤在全城之濠隍卽茲威遠猶緒餘及之也
乃公正不欲緒餘視之也公蓋嘗登城而遠眺矣其自
琉球日本三神蓬萊秦皇之所心豔漢武之所遠征一
覽而卽得梯航獻琛欣然有六國來王之志焉又嘗登
城近顧招寶俯瞰縣治旣不遠數十武乘高臨下若逆
人據而有之所擊礮若一丸泥而礮烈機發燭照而數
計愀然抱剝膚震躬之憂焉斯公亟亟於是舉而不容
姑待者也人謂公曰公蒞定一十八載雖四方援勦弗
克甯宇斯城堡之蝕壤俟今日一振修耶公曰大木之
舉非一人力也千里之程非跬步至也向者權不屬焉
異日
天子東顧問握符玉帳者增陴浚隍誰似顏平原者慮
無以對揚休命而稱保釐秉鉞之臣故遠睇而欣然近